

თბილისის მუნიციპალიტეტის საკრებულოს თავმჯდომარეს

ბატონ გიორგი ალიბეგაშვილს

ბატონო გიორგი

წარმოგიდგენთ ფრაქცია „დედაქალაქის“ 2017 წლის საქმიანობის ანგარიშს.

პატივისცემით

ფრაქცია „დედაქალაქის“ თავმჯდომარე


ზაზა ვეკუა

ქალაქ თბილისის მუნიციპალიტეტის
საკრებულოს აპარატის
საქმისწარმოების განყოფილება
ფურცელთა რაოდენობა 7 ფურცელი

№ 10/9694 11.10.17წ.

თბილისის მუნიციპალიტეტის საკრებულოს

ფრაქცია „დედაქალაქის“ 2017 წლის საქმიანობის ანგარიში

წინამდებარე ანგარიში ასახავს თბილისის საკრებულოს ფრაქცია „დედაქალაქის“ (შემდგომში ფრაქცია) 2017 წელს გაწეული საქმიანობას.

ფრაქციის წევრები კანონმდებლობით მინიჭებული უფლებამოსილებისა და მოთხოვნების გათვალისწინებით

- მონაწილეობას იღებდნენ მუნიციპალიტეტის საკრებულოს სხდომებში, საკრებულოს გადაწყვეტილებათა პროექტების შემუშავება-განხილვებში, მუნიციპალიტეტის ბიუჯეტის პროექტის, ასევე მასში ცვლილებების შეტანის საკითხების განხილვებში, საკრებულოს კომისიებისა და სამუშაო ჯგუფების მუშაობაში.
- მოქალაქეების ინტერესებიდან გამომდინარე კითხვებით მიმართავდნენ საკრებულოსადმი ანგარიშვალდებული აღმასრულებელი ხელისუფლების სტრუქტურებს, მაქსიმალურად ცდილობდნენ ამომრჩეველთა უფლებების, თავისუფლებებისა და ინტერესების დაცვას, რაც გამოიხატებოდა ამომრჩეველბთან შეხვედრებში, მათთვის საინტერესო წინადადებებისა და საკითხების განხილვასა და მათზე რეაგირებაში.

ფრაქცია თავის საქმიანობაში აქცენტებს აკეთებდა ისეთ თემებზე, როგორცაა:

- მუნიციპალური ბიუჯეტი;
- მუნიციპალური შესყიდვები;
- დედაქალაქის ეკოლოგიური მდგომარეობა;
- სოციალური სფერო;
- დედაქალაქის ურბანული განვითარება, სატრანსპორტო ინფრასტრუქტურა და სხვა.

ფრაქცია საბიუჯეტო პროცესში ყურადღებს ამახვილებდა თბილისის მუნიციპალიტეტის ფინანსების მართვის პროცესის გამჭვირვალობასა და მერიის ანგარიშვალდებულებაზე, პროგრამული ბიუჯეტირების მოდელის რეალურ დანერგვაზე.

ფრაქციის შეფასებით, პროგრამული ბიუჯეტირების მიმართულებით მიღწეული გარკვეული პროგრესის მიუხედავად ცალკეული პროგრამებისა და ქვეპროგრამების საბოლოო და შუალედური შედეგების გაზომვის ინდიკატორები ვერ უზრუნველყოფდა მიღწეული ეფექტიანობის შეფასებას.

2017 წლის ბიუჯეტით განსაზღვრულ უმეტესს პროგრამებში არ ჩანდა ყველა მოსალოდნელი შედეგი, რადგან ინდიკატორების უმეტეს ნაწილს მიზნობრივი მაჩვენებლები არ გააჩნდა, როგორც განსახორციელებელი ღონისძიებები, ასევე მოსალოდნელი შედეგები არ იყო დეტალიზირებული.

ფრაქციის წინადადებით შრომის ანაზღაურების მუხლი წარმოდგენილი უნდა ყოფილიყო ჩაშლილი სახით, საბიუჯეტო კლასიფიკატორის მიერ განსაზღვრული ქვემუხლების ჩვენებით(სარგო, დანამატი, პრემია, ჯილდო და ა.შ.).

ფრაქციის წინადადებით, ისეთი ერთგვაროვანი საქმიანობის კალკულაცია, როგორცაა გზების მშენებლობა, მოვლა-შეკეთება, ასევე ბინათმესაკუთრეთა ამხანაგობების დაფინანსება რაიონების მიხედვით უნდა ყოფილიყო სისტემატიზირებული. კალკულაციების შედგენისა და გაანგარიშებას ქონოდა ერთიანი მიდგომა.

ქალაქში არსებული მძიმე ეკოლოგიური მდგომარეობის გათვალისწინებით, ფრაქცია აკრიტიკებდა გარემოსდაცვითი კუთხით გამოყოფილი ფინანსების რაოდენობას, მიიჩნევდა რა არასაკმარისად, კერძოდ ისეთი საკითხების მოგვარებისთვის

როგორცაა, რისკების პრევენცია, შედეგზე ორიენტირებული გამწვანების ღონისძიებების ჩატარება.

ფრაქციამ მხარი არ დაუჭირა 2016 წლის თბილისის ბიუჯეტის შესრულების წლიური ანგარიშის დამტკიცებას, რადგან საკრებულომ ბიუჯეტის შესრულების წლიური ანგარიში განიხილა აუდიტორული დასკვნის გარეშე, შესრულების შესახებ ანგარიშგება სრულად არ მოიცავდა ინფორმაციას ბიუჯეტით განსაზღვრული ყველა პროგრამის შესახებ და უმეტეს შემთხვევებში ინფორმაცია მიღწეული შედეგების შესახებ არ იყო წარმოდგენილი შეფასების ინდიკატორების მიხედვით.

ფრაქცია სახელმწიფო შესყიდვების პროცესს საბიუჯეტო სახსრების ეფექტიანი ხარჯვის უმნიშვნელოვანეს კომპონენტად მიიჩნევს. შესაბამისად, ფრაქცია მუდმივად ამახვილებდა ყურადღებას შესყიდვების პროცესში საჯაროობის, გამჭვირვალობის, კანონმდებლობით დადგენილი პროცედურების დაცვისა და კონკურენტული გარემოს აუცილებლობის მიმართულებით.

ფრაქციის დაკვირვებით მუნიციპალური შესყიდვების პროცესისთვის დამახასიათებელი იყო არსებითი ხარვეზები, რომლებმაც წლების მანძილზე ტენდენციის ხასიათი შეიძინა, კერძოდ, შესყიდვების დამტკიცებულ გეგმებში ხდებოდა ხშირი და მოცულობითი ცვლილებები; ჩაშლილი ტენდერები, რომელთა წილი საგრძნობია გამოცხადებულ ტენდერების საერთო რაოდენობაში; ერთის მხრივ არის შემთხვევები, როცა აუცილებელი დოკუმენტაციის დაგვიანებით ან არასრულად წარმოდგენის შემთხვევაში არ ხდება პრეტენდენტთა დისკვალიფიკაცია და მეორეს მხრივ როცა შესასყიდი მომსახურების ტექნიკური და ხარისხობრივი მახასიათებლები ისეა განსაზღვრული, რომ შესყიდვის პროცესი ხდება არაკონკურენტული და აშკარად იკვეთება ერთი მომწოდებლის ინტერესი; ორმაგი სტანდარტი, როცა გზების მშენებლობა-რეაბილიტაციაზე ჩატარებული რიგ ტენდერებში, სატენდერო პირობების მიხედვით კომპანიას გამოცდილება

მოეთხოვება, რიგ შემთხვევებში კი იგივე ტიპის სამუშაოს შესასრულებლად გამოცდილების პირობა არ დევს. მიუხედავად იმისა, რომ კანონმდებლობა არ ითხოვს მეწარმე სუბიექტის გამოცდილებას.

შედეგად მივიღეთ, კონკურენციის გარეშე ჩატარებული ტენდერები სადაც ფასი გაცილებით მაღალი დაფიქსირდა, ვიდრე კონკურენციის პირობებში იქნებოდა; სათანადოდ არ ხორციელდებოდა ბაზრის წინასწარი კვლევა, სრულყოფილად არაა დასაბუთებული გადაუდებელი აუცილებლობით და შესაბამისად, ტენდერის ჩატარების გარეშე განხორციელებული შესყიდვების საჭიროება; ტენდერის გარეშე ერთ პირთან მოლაპარაკებების შედეგად დადებული ხელშეკრულებების სიმრავლე;

ფრაქცია განვლილი ერთი წლის განმავლობაში განსაკუთრებულ ყურადღებას უთმობდა, თბილისში მწვანე საფარის შენარჩუნების, დედაქალაქის მწვანე კლასტერებში ურბანული განვითარების რეგულირების და ახალი რეკრეაციული ზონების გაჩენის საკითხს; თბილისსა და მის შემოგარენში გეოლოგიური უსაფრთხოების კუთხით არსებულ ვითარებაზე.

საგზაო მოძრაობის უსაფრთხოებისა და მოძრაობის ორგანიზაციის კუთხით ფრაქცია საკუთარ ხედვებს სთავაზობდა მერიას. მაგალითად, ფრაქციის ინიციატივა იყო: შექმნილიყო მოძრაობის ორგანიზაციისა და უსაფრთხოების ერთიანი მაკოორდინირებელი ორგანო, რომელიც სწრაფად მოახდენდა კონკრეტული საცობის იდენტიფიცირებას და მისი პრობლემის დროულად გადაჭრას, დამატებითი საბიუჯეტო ასიგნებების გარეშე; საწვავისა და ატმოსფერული ჰაერის ხარისხის მონიტორინგის განხორციელება მუნიციპალურ დონეზე; „სითი პარკთან“ დაკავშირებით, ფრაქციამ წარმოადგინა კონკრეტული გეგმა, თუ როგორ უნდა მომხდარიყო აღნიშნული კომპანიის სამართლებრივი სივრციდან გაყვანა და თბილისში პარკირების ახალი მუნიციპალური სისტემის შექმნა; საზოგადოებრივი ტრანსპორტის თვისობრივი მოდერნიზება.

	სხდომა	დასწრება
საკრებულოს სხდომა	19	
ზაზა ვეკუა		14
თამარ ცინცაბაძე		17
შალვა ოგბაიძე		16
საკრებულოს ბიურო	19	14
ქონების მართვისა და საფინანსო საბიუჯეტო კომისია	24	15
სარევიზიო კომისია	10	6
ურბანული დაგეგმარებისა და საქალაქო მეურნეობის კომისია	17	17
სპორტისა და ახალგაზრდულ საქმეთა კომისია	8	8
განათლებისა და კულტურის კომისია	16	16
ჯანმრთელობის დაცვის და სოციალურ საკითხთა	16	15
ფრაქცია	11	11